

## **MØTEBOK**

### **REGIONRÅDET FOR HALLINGDAL**

**Møtedato:** Fredag 26.5.2016 (del 1)  
**Stad:** Gol, Pers Hotell

#### **Desse møtte frå Regionrådet:**

Petter Rukke,	Hol kommune
Solveig Vestenfor,	Ål kommune
Heidi Granli,	Gol kommune
Oddvar Grøthe,	Hemsedal kommune
Tore Haraldset,	Nes kommune
Tor Egil Buøen,	Flå kommune

Knut Arne Gurigard, dagleg leiar  
Ulrikke Ytteborg, rådgjevar

#### Frå Buskerud fylkeskommune møtte:

Anne Sandum, fylkeskontakt  
Sigurd Fjose, regionkontakt

Fylkesordførar Roger Ryberg deltok i sak 16, 24, 25 og 26  
Leiar for hovudutval for utdanningssektoren Sissel Urke deltok i sak 24, 25 og 26  
Fylkesutdanningsjef Jan-Helge Atterås deltok i sak 24, 25 og 26

#### Frå rådmannsutvalet møtte:

Lars Ole Skogen,	Hol kommune
Tone Tveito Eidnes,	Ål kommune
Hege Mørk,	Gol kommune
Ole Johnny Stavn,	Hemsedal kommune
Torbjørn Hansen,	Nes kommune
Odd Egil Stavn,	Flå kommune

---

#### **SAK15/16 FYLKESORDFØRAR ROGER RYBERG SIN 1/2- TIME**

Fylkesordførar Roger Ryberg orienterte fyrst og fremst om pågåande prosess i Buskerud fylkeskommune, i forhold til «nye folkevalde regionar». Fylkeskommunen ynskjer synspunkt frå regionråd og kommunar, frist for attendemelding er 20. august 2016, men ynskjeleg med svar før sumarferien. Eigen sak 16/16.

#### **SAK 16/16 NYE FOLKEVALDE REGIONAR**

Handsaming 30.5.2016, sjå eigen møtebok

#### **SAK 17/16 SØKNAD OM MIDLAR TIL OPPSTART AV LANDSDELSCENE FOR DANS PÅ ÅL**

##### Vedtak

1. Regionrådet for Hallingdal rår til at det blir løyvd kr. 560.000 til støtte til prosjektleiing av Landsdelscene for dans på Ål, fordelt over to år.

2. Regionrådet for Hallingdal rår til at midlane som var løyvd til vidareføring av prosjektet Regional kulturkoordinator for Hallingdal bli omdisponert til støtte til prosjektleiing av Landsdelscene for dans på Ål.

#### **SAK 18/16 SØKNAD UNGT ENTREPRENØRSKAP 2016 – 2019**

##### **Vedtak**

1. Regionrådet for Hallingdal vurderer ” Entreprenørskap i utdanninga i Hallingdal” som eit vellykka tiltak, som blir vidareført i 3 nye år, frå hausten 2016, med ein stillingsressurs på 40%.
2. Av ei kostnadsramme på kr 480.000 pr. år i tre år, totalt kr. 1.440.000, dekkjer UE Buskerud 50% av kostnadane.
3. Regionrådet for Hallingdal rår til at det blir løyvd tilskot tilsvarende 50% av kostnadane, totalt inntil kr. 720.000.
4. Tilskotet blir finansiert av partnerskapsavtala med Buskerud fylkeskommune for 2016.

#### **SAK 19/16 SØKNAD, HILLBILLY HUCHFEST**

##### **Vedtak**

Regionrådet for Hallingdal rår til at det ikkje blir løyvd midlar til Terrengsykkelfestivalen Hillbilly Huckfest 2016

#### **SAK 20/16 SØKNAD, SONGBOK FOR BARN I HALLINGDAL**

##### **Vedtak**

Regionrådet for Hallingdal ser positivt på utarbeiding av songbok for barn i Hallingdal. Før regionrådet handsamar søknad blir det bede om eit økonomisk oppsett og konkret søknadsbeløp.

#### **SAK 21/16 SØKNAD OM MIDLAR TIL DRIFT AV SKADEFELLINGSLAGA I HALLINGDAL**

##### **Vedtak**

Regionrådet for Hallingdal gjev avslag på søknad om tilskot til drift av skadefellingslaga i Hallingdal. Dette er ikkje ei prioritert oppgåve i partnerskapsavtala med Buskerud fylkeskommune og Strategisk plan for Hallingdal. Regionrådet for Hallingdal ser det som naturleg med eit interkommunalt samarbeidet på dette området, men at det er den einkilde kommune som eventuelt må bidra med finansiering.

#### **SAK 22/16 REGIONAL AREAL- OG TRANSPORTPLAN FOR BUSKERUD 2016-2030**

Ellen Korvald frå Buskerud fylkeskommune orienterte om «Regional areal- og transportplan for Buskerud», presentasjon vedlagt.

#### **SAK 23/16 REGIONAL PLAN FOR KULTURMINNEVERN I BUSKERUD**

Ingvild Tjønneland frå Buskerud fylkeskommune orienterte om «Regional plan for kulturminnevern i Buskerud», presentasjon vedlagt.

## **SAK 24/16 ARBEIDSINSTITUTT, UNGDOMSLOS**

Dag Stemsverk, prosjektleiar for Ungdomslos i Hallingdal orienterte om tiltaket og aktivitetar. Fylkesutdanningssjef Jan-Helge Atterås orienterte om Arbeidsinstituttet Buskerud, vedlagt presentasjon. Ordførar Heidi Granli orienterte kort om arbeidet med arbeidsinstitutt Hallingdal, historikk, status og synspunkt vidare framdrift, vedlagt presentasjon.

### **Vedtak**

1. Regionrådet for Hallingdal ser positivt på at Buskerud fylkeskommune ynskjer å setja i gang arbeidet med arbeidsinstituttfunksjoner Hallingdal.
2. Regionrådet for Hallingdal ynskjer at dagleg leiar deltek i førebuande arbeidsgruppe.
3. Det må vera ei klar målsetting at førebuande arbeid blir gjennomført slik at ei løysing for arbeidsinstituttfunksjoner Hallingdal kan innarbeidast i budsjett til Buskerud fylkeskommune for 2017.

## **SAK 25/16 PROSJEKT «STYRKE HELSETJNESTENE FOR UNGDOM PÅ ÅL VG. SKULE OG I HJEMKOMMUNE. ET SAMARBEIDSPROSJEKT SOM SKAL FOREBYGGE DROPOUT, ØKE GJENNOMFØRING OG IVARETA ELEVENES HELSE»**

Følgjande medlemmer frå prosjektgruppa orienterte om prosjektet:

- Anne Kari Olsen, prosjektleiar
- Magne Skaalvik, Buskerud fylkeskommune
- Sidsel Fjørtoft, Ål vidaregåande skole

Prosjektet er eit eitt-årig samarbeidsprosjekt som skal førebygge dropout, auke gjennomføring og ivareta elevanse si. Prosjektet skal m.a. munne ut i nye samarbeidsrutinar: kommunar-fylkeskommune, politi-fylkeskommune, nye samarbeidsrutinar på vidaregåande skule.

### **Vedtak**

Regionrådet for Hallingdal vil oppmode om at avsluttande rapport blir sendt kommunane v/rådmenn for oppfølging.

## **SAK 26/16 INNSPEL TIL REVIDERING AV LANGSIKTIG VIDAREGÅANDE SKULETILBOD I BUSKERUD**

### **Forslag til innspel**

1. Hallingdal har gode vidaregåande skular med 12 av 12 utdanningsprogram og tilbod om påbygg til studiekompetanse. Dette er utan tvil ei styrke for Hallingdal som typisk distriktsregion, og som har vore med på å gje Hallingdal ei positiv utvikling. For Hallingdal spelar dei vidaregåande skulane ein svært viktig rolle - ikkje berre som ein utdanningsinstitusjon. Gode vidaregåande skular med eit breitt tilbod er viktige parameter for attraktivitet i forhold til rekruttering/busetting og utvikling av næringslivet. Dei vidaregåande skulane er viktige arbeidsplassar for folk med høgare utdanning og betyr relativt sett meir i ein distriktsregion med mindre tilfang av arbeidsplassar som krev høgare utdanning.

Utfordringane i forhold til regional utvikling og regionale arbeidsmarknadar kan ha mange ulike innfallsvinklar med store regionale forskjellar, som det er avgjerande at det blir teke omsyn til. For Hallingdal er ei av dei desidert største utfordringane å rekruttere eigen ungdom inn i arbeidslivet i Hallingdal. Sjølv om Hallingdal ikkje er verst stilt som distriktsregion, «mistar» me alt for mange ungdommar som aldri kjem attende. Årsakene er samansette, men

det er utan tvil slik at eit godt og breitt tilbod innan vidaregåande utdanning er ein svært viktig faktor, for at fleire av våre ungdommar blir i regionen eller kjem attende etter avslutta utdanning.

Utdanninga i Hallingdal må som i dag til ein viss grad tilpassast næringslivet og det offentlege sitt behov. I denne samanheng er det viktig å klargjera behov og det må synleggjerast/marknadsførast endå sterkare enn i dag, sjølv om det blir gjort mykje godt arbeid. Det bør leggjast til rette for at dei vidaregåande skulane i endå større grad samarbeida aktivt med næringslivet og kommunane. Rettleiing må i større grad gjerast meir relevant i forhold til næringslivet og offentleg sektor sine behov, meir arbeidsmarknadsretta rettleiing/rådgeving. Dei vidaregåande skulane må bli ein sterkare regional utviklingsaktør.

2. For Hallingdal med store avstandar til alternative skulestadar er det svært viktig med eit breitt skuletilbod. Elevane understrekar at motivasjon er avgjerande viktig for gjennomføringa, tilbod av gode valmogelegheiter er her ein viktig føresetnad. Me må sikre at vår ungdom har høve til å koma inn på alle typar høgare utdanning og kunne få spesiell studiekompetanse. Det er også viktig at dei som ynskjer ein alternativ måte å få studiekompetanse på, kan få det i Hallingdal.

For Hallingdal som region er det viktig å behalde flest mogeleg ungdommar frå denne aldersgruppa i regionen, medan dei er i vidaregåande opplæring, både med tanke på deira viktige bidrag i lokalmiljø, idretts- og kulturliv, og for å auke sjansane for at dei blir i Hallingdal/kjem attende til regionen etter fullført utdanning. Det er såleis heilt nødvendig med eit breitt fagtilbod både på studieførebuande og yrkesførebuande utdanningsprogram. Hallingdal treng handverkarar av ulike slag og gode fagfolk til reiselivsnæringa. I tillegg treng regionen folk med høgare utdanning til helseteneste, utdanning, offentleg forvaltning og privat næringsliv.

Dei vidaregåande skulane i Hallingdal ligg svært godt an når det gjeld gjennomføring, fullført og bestått. Det er ikkje vanskeleg å tenkje seg at dess tala ville sett heilt annleis ut for våre unge, dersom dei må reise langt heimanfrå for å få vidaregåande opplæring.

Eit breitt tilbod i Hallingdal basert på regionen sine behov og elevane sine ynskje er difor heilt nødvendig for ei vidare positiv utvikling i Hallingdal.

3. Hallingdal må ha eit breitt tilbod innan både studieførebuande og yrkesførebuande utdanningsprogram. Tilboda om både generell og spesiell studiekompetanse må halde fram, dette er svært viktig også i framtida.

Det må vera eit klart mål å oppretthalde eit like godt tilbod som Hallingdal har i dag innan vidaregåande utdanning. For å få dette til må det kanskje vera ein større grad av fleksibilitet noko det er ei klar oppfatning om at dei vidaregåande skulane er innstilt på. Dette gjeld både i forhold til at halve klassar kan utgjera ein klasse i fellesfag og eit tett samarbeid mellom Gol og Ål.

I tillegg bør det vera aktuelt å prøve ut modellar med eit tettare samarbeid mellom skulane, næringsliv og kommunane. Kanskje tida er inne til å utfordre i forhold til alternative måtar for organisering og samarbeid med næringslivet. Dette kan gjelde t.d. kompetanse, lokalitetar og

utstyr. Som ein del av partnerskapsavtala med Buskerud fylkeskommune og Regionrådet for Hallingdal der utdanning er eit område, vil det vera naturleg med eit tettare samarbeid for å koma fram til gode løysingar, ref. pkt. 10.

Målsettinga må vera å finne løysingar til beste for regionen og elevane, der 15 eller ingenting ikkje må vera så styrande for skular i distrikta.

4. Det er eit paradoks at Hallingdal som den største reiselivsregionen i landet ikkje klarar å rekruttere fleire elevar til restaurant og matfag. Regionrådet er godt kjent med det aktive arbeidet både reiselivsnæringa, dei vidaregåande skulane i Hallingdal og fylkeskommunen har gjort for å styrke den lokale rekrutteringa til reiselivet.  
Reiselivsnæringa har eit stort behov for kokkar og servitørar. Regionen har mange lære plassar fordelt på fleire av landets beste hotellkjøkken - berre Geilo kunne ta i mot ein klasse. Det er heilt nødvendig for utviklinga av reiselivsnæringa å oppretthalde og utvikle dette fagområdet. Dersom det skulle bli aktuelt å samle fagmiljøet på færre stader, må Hallingdal vera ein naturleg plass for dette.  
Regionrådet for Hallingdal ser klart at det må til ein ekstra innsats for at restaurant og matfag skal ha livets rett. I denne samanheng ynskjer Regionrådet for Hallingdal saman med reiselivsnæringa å vera ein aktiv medspelar for å få eit endå sterkare fokus på dette utdanningstilbodet, gjerne gjennom eit nærare definert prosjekt, ref. pkt.10. Dette kan og gjelde andre område. Og i forhold til Design og handverk må det søkjast andre måtar å samarbeide og organisere opplæringa på, for å bevare og vidareutvikle fagområdet.
5. Det blir stilt spørsmål ved om naturbruksutdanninga ved Ål vgs bør leggast ned og samle naturbrukstilbodet ved Rosthaug. Dette med bakgrunn i at stadig færre elevar søker denne utdanninga og at er føresett ein nedgang i elevtalet i Hallingdal. For Hallingdal med ei stor og viktig primærnæring er naturbruksutdanninga eit opplæringstilbod som må oppretthaldast. Det bør kanskje vurderast nye modellar/løysingar der Regionrådet for Hallingdal ynskjer å vera ein aktiv part, ref. pkt. 10.
6. Det vil kanskje koste noko ekstra at elevane kan bu heime, og få si utdanning i Hallingdal. Men det eit godt utbygd skuletilbod kostar ekstra i form av halve klassar og alternative opplæringsløp, er betre for den enkelte elev, for lokalmiljøa i regionen og på sikt også meir lønsamt samfunnsøkonomisk. Det er også eit viktig verkemiddel for at så mange som mogeleg av ungdommane kjem tilbake til heimstaden etter fullført utdanning. Og det vil bli ein langt større kostnad både økonomisk og menneskeleg, at ungdom ikkje gjennomfører, fullfører og består.  
Ut frå fylkeskommunale strategiar og planer for næring, busetting og utvikling i dei ulike regionane i Buskerud må det vera ei differensiert tenking om skuletilbod i byar og bynære strøk versus skuletilbod i Hallingdal og Numedal. Dette må sjåast på som ei investering.
7. Enkelte utdanningsprogram har relativt få elever. Det blir sagt at med SSB si befolkningsframskrivning synes det vanskeleg å klare å oppretthalde eit såpass breitt tilbod i Hallingdal i framtida. *«Det er rett og slett ikke søkere nok til et så bredt tilbud som Hallingdal har i dag. Spørsmålet er dermed hvilke kjernetilbud som det er viktig å*

*oppretholde i Hallingdal i et lengre perspektiv, av hensyn til offentlig og privat arbeidslivs behov for arbeidskraft, tjenestetilbud til innbyggerne og utvikling i Hallingdal?»*

*Og: «Som det går fram av tabellen er elevgrunnlaget i Hallingdalsregionen synkende. Ifølge SSBs prognoser synker det kraftig fra 2016 til 2017, har så en svakt synkende tendens i årene etter det, for så å få et kraftig fall igjen i 2030.»*

Her kan det vera på sin plass å peike på at ved middels nasjonal vekst er det lågaste talet i 2030 og så vil talet auke fram mot 2040. Med høg nasjonal vekst blir resultatet eit heilt anna. Regionrådet for Hallingdal vil be om at denne type framskrivingar må nyttast med stor varsemd, dette er prognosar!

8. Det er avgjerande at fylkeskommunen sine einingar med ansvar for regional utvikling samarbeida godt internt og eksternt med andre aktørar, om kompetanseutvikling i ein regional arbeidsmarknad.
9. For regionar som Hallingdal med store avstandar er det for mange elevar lange dagar der busskøyring er ein del av skuledagen. For mange er det timar med busskøyring og venting. Som Buskerud fylkeskommune er kjent med er det for enkelte område tilbod som langt frå er akseptable. Dette er ikkje akseptabelt for elevane, det går utover prestasjonar og det er med på å styre utdanningsval. Regionrådet for Hallingdal forventar at det kjem på plass gode løysingar frå hausten 2016.
10. I samband med prosess og organisering av arbeidet er det med ei viss forundring Regionrådet for Hallingdal registrerar at vedteken partnerskapsavtale mellom Buskerud fylkeskommune og Regionrådet for Hallingdal ikkje er nemnt med eit ord. Gjeldande partnerskapsavtale 2015 – 2016 inneheld tre samarbeidsområde; regionalutvikling, samferdsel og utdanning. I avtala står det m.a. under satsingsområde: «Utvikling av tilbod vgs i nært samarbeid med Hallingdal». Dersom det er eit reelt partnerskap burde Regionrådet for Hallingdal vore mykje meir delaktig i det innleiande arbeidet og ein part i prosessen, ikkje berre ein høyringsinstans. Dette må rettast opp i det vidare arbeidet.

## **SAK 27/16 TISA- AVTALA**

### **Vedtak**

Regionrådet for Hallingdal vil oppmode den norske regjeringa til langt større openheit om forhandlingane om TISA og TTIP, og vil åtvare mot konsekvensar av forhandlingane som kan ramme norske kommunar.

**SAK 28/16 GODKJENNING AV PROTOKOLL**

**Vedtak**

Protokollen er godkjent.

Gol 26.5.2016

Petter Rukke, Hol kommune

Solveig Vestenfor, Ål kommune

Heidi Granli, Gol kommune

Oddvar Grøthe, Hemsedal kommune

Tore Haraldset, Nes kommune

Tor Egil Buøen, Flå kommune

**Vedlegg:**

1. Sak 22-16, presentasjon «Regional areal- og transportplan for Buskerud»
2. Sak 23-16, presentasjon «Regional plan for kulturminnevern i Buskerud»
3. Sak 24-16, presentasjon Arbeidsinstituttet Buskerud
4. Sak 24-16, presentasjon arbeidsinstitutt Hallingdal

## **MØTEBOK**

### **REGIONRÅDET FOR HALLINGDAL**

**Møtedato:** Måndag 30.5.2016 (**del 2**)  
**Stad:** Ullensvang, Ullensvang Hotell

#### **Desse møtte frå Regionrådet:**

Sigrid Simensen Ilsøy, Hol kommune  
Solveig Vestenfor, Ål kommune  
Heidi Granli, Gol kommune  
Oddvar Grøthe, Hemsedal kommune  
Tore Haraldset, Nes kommune  
Tor Egil Buøen, Flå kommune

Knut Arne Gurigard, dagleg leiar

#### Frå Buskerud fylkeskommune møte:

Sigurd Fjøse, regionkontakt

#### Frå rådmannsutvalet møte:

Tone Tveito Eidnes, Ål kommune  
Hege Mørk, Gol kommune  
Torbjørn Hansen, Nes kommune  
Odd Egil Stavn, Flå kommune

---

### **SAK 16/16 NYE FOLKEVALDE REGIONAR**

Buskerud fylkeskommune ynskjer råd frå kommunar/regionråd før ein gjer endeleg vedtak om kva retning Buskerud fylkeskommune bør gå i forhold til ei ny regioninndeling.

Regionrådet for Hallingdal drøfta vidare prosess for arbeidet og kom fram til slik tidsplan:

- Drøfting i Hallingtinget 30.5.2016
- Drøfting i regionrådsmøte 24.6.2016
- Møte med Regionstyret i Valdres 29.6.2016
- Ekstra møte i regionrådet i byrjinga av juli for handsaming av forslag til uttale



## **SAK 28/16 NY STORTINGSMELDING OM BÆREKRAFTIGE BYAR OG STERKE DISTRIKT**

Regjeringa er i gang med å utarbeide stortingsmelding om «Bærekraftige byar og sterke distrikt». Ei stortingsmelding om utviklinga av distrikts- og regionalpolitikken som vert lagt fram kvart fjerde år. Stortingsmeldinga skal leggjast fram tidleg i 2017, der frist for innspel til arbeidet er satt til september 2016. For fyrste gong blir distriktspolitikk og politikk for byar samla i ei melding.

Regionrådet for Hallingdal drøfta saka og kom med innspel til vidare saksførebuing.

### **Vedtak**

Dagleg leiar utarbeidar forslag til innspel som Regionrådet for Hallingdal vil handsame på møte 24.6.2016.

## **SAK 29/16 EVENTUELT**

### **Barnevern**

#### **Vedtak**

1. Rådmannen i Ål, Tone Tveito Eidnes og ordførar i Nes, Tore Haraldset, i samarbeid med Hallingdal barnevernteneste, ser nærare på løysingar med bruk av familieråd .
2. Rådmannen i Ål førebur ei sak til regionrådsmøte 30.9.2016 med gjennomgang Hallingdal barnevernteneste og vurdering av familieråd.

### **Innkjøp**

Ved fleire høve har innkjøp i forhold til BTV Innkjøp, lovverket og handlingsrommet vore drøfta. Spørsmålet har og vore korleis lokale leverandørar i større grad kan delta i innkjøpssamarbeidet og om det er området der kommunane i Hallingdal er best tent med ei regional løysing.

#### **Vedtak**

Rådmannsutvalet set i gang eit arbeid for å vurdere innkjøpssamarbeid og felles innkjøpskoordinator for Hallingdal.

### **Fjellnetverket**

Ordførar Solveig Vestenfor og dagleg leiar orienterte kort om arbeidet i Fjellnettverket og arbeidet med felles innspel til stortingsmelding om «Bærekraftige byar og sterke distrikt».

### **Konsesjonskraft**

Regionrådet drøfta energimeldinga, St.meld. 25 (2015-2016) og ordninga med konsesjonskraftordninga og -avgift, og at denne må vidareførast.

#### **Vedtak**

Dagleg leiar skal utarbeide forslag til opprop tilsvarende det som er gjort av kommunane i Valdres og Tinn kommune.

Ål 6.6.2016  
Knut Arne Gurigard  
Dagleg leiar